



ფინანსები, განაკები, პირები



საბანკო სისტემის სტაბილურობა, როგორც ეკონომიკური უსაფრთხოების მნიშვნელოვანი ფაქტორი

DOI - 10.36962/ecs105/4-5/2022-110

გოგა გელიტაშვილი

სტუ დოქტორანტი

g.gelitashvili@gtu.ge

ანა ბოკუჩავა

სტუ დოქტორანტი

bokuchava.ana@gtu.ge

გორა აბუთიძე

ბიზნესის ადმინისტრირების დოქტორი,

სტუ ასისტენტ-პროფესორი

g.abutidze@gtu.ge

მედეა ჭელიძე

ეკონომიკის დოქტორი, სტუ პროფესორი

m.chelidze@gtu.ge

რეზიუმე

ნებისმიერი ქვეყნის თანამედროვე საბანკო სისტემის მიზანია ქვეყნის ეკონომიკური უსაფრთხოების უზრუნველყოფა, ისეთი საბანკო სისტემის ფორმირება, რომელიც მდგრადი იქნება კრიზისული მოვლენების მიმართ. ეს გამოწვეულია იმით, რომ ქვეყნის საბანკო სისტემის თანამედროვე განვითარებას თან ახლავს გარე და შიდა საფრთხეების და რისკების ზრდა, რომლებსაც ექვემდებარება საკრედიტო ინსტიტუტების საქმიანობა.

საქართველოს საბანკო სისტემის ფინანსური სტაბილურობის საკითხების შესწავლისას უნდა აღინიშნოს ის ფაქტი, რომ საქართველოს ეროვნული ბანკი წარმოადგენს საქართველოს

საბანკო სექტორის სტაბილურობის უზრუნველყოფის გარანტს და განსაკუთრებულ სუბიექტს. მის მიერ დროულად მიღებული გადაწყვეტილებები და გატარებული ღონისძიებები დიდწილად განაპირობებენ საქართველოს საბანკო სისტემის სტაბილურ ფუნქციონირებას და მდგრად განვითარებას.

საკრედიტო ორგანიზაციების ეკონომიკური უსაფრთხოების კონცეფციების ფორმირება, რომელიც კომერციული ბანკების განვითარების მდგრადობის, ნეგატიური ტენდენციების გამოვლენის და განვითარების პერსპექტიული მიმართულებების დადგენის ოპერატიულად გაკონტროლების შესაძლებლობას იძლევა, თანამედროვე ეტაპზე საკრედიტო ორგანიზაციების ეკონომიკური უსაფრთხოების უზრუნველყოფის გადამწყვეტი პირობაა.

საკვანძო სიტყვები: ეკონომიკური უსაფრთხოება, გლობალიზაცია, საბანკო სისტემის მდგრადობა, ფინანსური სტაბილურობა, საფრთხეები.

ძირითადი ტექსტი

ნებისმიერი ქვეყნის ეკონომიკაში საბანკო სექტორს განსაკუთრებული ადგილი უკავია. ფინანსური არასტაბილურობის პირობებში კი საბანკო საქმიანობა უკიდურესად მნიშვნელოვანი როლის და დატვირთვის მატარებელია.

ეკონომიკისა და ფინანსური მომსახურების გლობალიზაციის პირობებში იზრდება კაპიტალის ქვეყნებს შორის მოძრაობა, ხოლო ტრანსეროვნულ ინსტიტუტებს (ბანკები, სადაზღვევო კომპანიები, საინვესტიციო ფონდები), მათი საქმიანობის მასშტაბის გათვალისწინებით, შეუძლიათ გამოუსწორებელი ზიანი მიაყენონ გლობალურ ეკონომიკას.

საბანკო სისტემა, როგორც თვითორგანიზებადი და ღია სისტემა, ხასიათდება მუდმივი ცვალებადობით. თვითორგანიზებადი სისტემის არსს წარმოადგენს ნორმიდან გადახრა. წონასწორობა მისი დროებითი მდგომარეობაა. სისტემა ვითარდება, წონასწორობის მდგომარეობიდან გამოდის და ისევ უბრუნდება მას. მეორეს მხრივ, სისტემა ღიაა გარე ზემოქმედებისთვის. მე-

სამეს მხრივ, ასეთ სისტემას შეუძლია შეაგროვოს ინფორმაცია გარე გარემოდან და დაამუშაოს იგი. მეოთხეს მხრივ, საბანკო სისტემის ინსტიტუციური სტრუქტურა ცვალებადია, მუდმივად განიცდის მოდიფიცირებას და განახლებას. მიმდინარეობს ინსტიტუციონალური ფორმების ჩამოყალიბების, განმტკიცების და სრულყოფის უწყვეტი პროცესი.

თანამედროვე საბანკო სისტემის მიზანია ქვეყნის ეკონომიკური უსაფრთხოების უზრუნველყოფა, ისეთი საბანკო სისტემის ფორმირება, რომელიც მდგრადი იქნება კრიზისული მოვლენების მიმართ. აღნიშნულს განაპირობებს ის, რომ ქვეყნის საბანკო სისტემის განვითარებას თან ახლავს საფრთხეების და რისკების ზრდა. თანამედროვე საფრთხეები და მრავალფეროვანი რისკები მნიშვნელოვან გავლენას ახდენენ საბანკო სისტემის და მისი ცალკეული რგოლების ფუნქციონირებაზე. მასში განსაკუთრებული ადგილი უკავია საბანკო რისკებს, რომელთა მართვა და ნიველირება განსაკუთრებით მნიშვნელოვანია არასტაბილურ გარემო პირობებში.

ფაქტორები, რომლებიც გავლენას ახდენენ საბანკო სისტემის სტაბილურობასა და უსაფრთხოებაზე, შეიძლება შემდეგი სახით ჩამოყალიბდეს (იხ. ცხრილი 1. შედგენილია ავტორების მიერ):

სახელმწიფო უფლებამოსილია საქმიანობდეს საბანკო ბაზარზე, როგორც სრულფასოვანი მონაწილე. მასზე ბევრია დამოკიდებული ეკონომიკური და სამართლებრივი თვალსაზრისით. სახელმწიფო აწესებს ქცევის წესებს, აწესრიგებს საკანონმდებლო სფეროს, რეფორმების დაფინანსებით დახმარებას უწევს ეკონომიკას, ქმნის შესაბამის ინფრასტრუქტურას.

საბანკო სისტემის სტაბილურობის შესწავლა გარდამავალი ეკონომიკის ქვეყნების საფინანსო სისტემების ერთ-ერთი აქტუალური საკითხია. აღნიშნულ ქვეყნებში, როგორც წესი, სახელმწიფო საბანკო ბაზრის სრულუფლებიან წევრს წარმოადგენს, მათ შორის, საკრედიტო ინსტიტუტების შექმნის გზით. ზოგადად, სახელმწიფოს მონაწილეობით საკრედიტო ინსტიტუტების შექმნა და ფუნქციონირება საყოველთაოდ მიღებული მსოფლიო პრაქტიკაა (განსაკუთრებით კრიზისულ და

**ცხრილი 1. საბანკო სისტემის სტაბილურობასა და
უსაფრთხოებაზე ზემოქმედი ფაქტორები**

საკლასიფიკაციო ნიშანი	ზემოქმედების ხასიათი	ფაქტორები
ზემოქმედების ხასიათი	პოზიტიური	ბანკების კაპიტალიზაციისა და სტაბილურობის გაზრდა; საბანკო კანონმდებლობის გაუმჯობესება; ბანკის თანამშრომლების და მისი კლიენტების განათლების დონის და უნარების გაუმჯობესება; აღრიცხვისა და ანგარიშგების საერთაშორისო სტანდარტებზე გადასვლა; საბანკო ტექნოლოგიების განვითარება.
	ნეგატიური	საფინანსო სექტორში კონკურენციის ზრდა; საბანკო ტექნოლოგიების გართულება; საქმიანობის კრიმინალიზაცია; ქვეყნიდან კაპიტალის გადინების არხების გაფართოება.
წარმოშობის წყარო	შიდა	ქვეყანაში პოლიტიკური და ეკონომიკური სტაბილურობა; შიდა საბანკო კონტროლის სისტემა; კომერციული ბანკების მიერ უცხოურ ბაზრებზე აღებული სესხების ზრდა.
	გარე	უცხოეთის ფინანსური ბაზრებისა და საბანკო სისტემების მდგომარეობა; საბანკო სისტემების ინტერნაციონალიზაცია; ქვეყნის საბანკო სექტორში შერწყმის და შთანთქმის პროცესები.
მართვის დონე	მართვადი	ბიომეტრიული საიდენტიფიკაციო სისტემების განვითარება; უსაფრთხოების სამსახურების არსებობა; ბანკის მენეჯმენტისა და პერსონალის დაცვის უზრუნველყოფა.
	არამართვადი	უცხოეთის ბანკების პოლიტიკა სხვა ქვეყნის ბანკების მიმართ.

პოსტკრიზისულ ვითარებაში). გლობალურმა ფინანსურმა კრიზისებმა აჩვენა ფინანსური სექტორის სახელმწიფო რეგულირების შემდგომი გავითარების, ბანკების საქმიანობაზე ზედამხედველობის და კონტროლის გაძლიერების აუცილებლობა.

საქართველოს საბანკო სისტემის ფინანსური სტაბილურობის შესწავლისას უნდა აღინიშნოს ის ფაქტი, რომ საქართვე-

ლოს ეროვნული ბანკი წარმოადგენს საქართველოს საბანკო სექტორის სტაბილურობის უზრუნველყოფის განსაკუთრებულ სუბიექტს. ის წარმოადგენს პირველადი ემისიის ცენტრს, ბოლო ინსტანციის კრედიტორს, საგადახდო სისტემის ორგანიზატორს და მონაწილეს, საბანკო ზედამხედველობის ორგანოს, საქართველოს საკრედიტო სისტემისა და საბანკო სექტორის განვითარების და გაძლიერების მაკროეკონომიკური პირობების უზრუნველსაყოფის მთავარ ინსტიტუტს.

დიდწილად, საბანკო სექტორის ფუნქციონირებაზე გავლენას ახდენს საქართველოს ეროვნული ბანკის ფუნქციების განხორციელება. „საქართველოს ეროვნული ბანკის შესახებ“ ორგანული კანონის საფუძველზე საქმიანობისას, ეროვნული ვალუტის სტაბილურობის, ანგარიშსწორების სისტემის ეფექტური და უწყვეტი ფუნქციონირების უზრუნველსაყოფასთან ერთად საქართველოს ეროვნული ბანკი აგრეთვე მოწოდებულია ხელი შეუწყოს საქართველოს საბანკო სისტემის უსაფრთხო ფუნქციონირებას და მდგრად განვითარებას.

ეროვნული ბანკის პრეზიდენტის ბრძანებით საქართველოს ეროვნულ ბანკში შექმნილია მუდმივმოქმედი სათათბირო საკონსულტაციო ორგანო – ფინანსური სტაბილურობის კომიტეტი. მისი ფუნქციაა ფინანსური სტაბილურობის რისკების შეფასება და ამ რისკების აღმოსაფხვრელად/შესამცირებლად შესაბამისი პოლიტიკის შემუშავება და განხორციელება. ფინანსური სტაბილურობის კომიტეტის გადანწყვეტილება მიენიშნება ბანკის პრეზიდენტს რეკომენდაციის სახით, ხოლო მისი გადანწყვეტილების საფუძველზე ეროვნული ბანკი გამოსცემს სამართლებრივ აქტებს.

ისეთი ფაქტორები, როგორიცაა ფინანსურ ბაზრებზე არსებული რთული ვითარება, სხვადასხვა სახის სანქციების გამოყენების საჭიროება, ბანკებისათვის ლიცენზიების ცენტრალური ბანკის მიერ გაცემა და საჭიროების შემთხვევაში უკან გამოთხოვის შესაძლებლობა და ა. შ., ბანკების ეკონომიკური უსაფრთხოების ყველა ასპექტის სიღრმისეული შესწავლის მოთხოვნილებას განაპირობებს.

შეიძლება გამოვეყნოთ ეკონომიკური უსაფრთხოების ორი უმნიშვნელოვანესი ნიშან-თვისება - სტაბილურობა და მდგრადი განვითარება. მიგვაჩია, რომ ისინი განვითარებადი საბაზრო ეკონომიკის პირობებში ეკონომიკური უსაფრთხოების დონის განსაზღვრის საფუძველს წარმოადგენენ.

ეკონომიკური უსაფრთხოება, როგორც ცნება მისი ობიექტის გარკვეულ მდგომარეობას გამოხატავს. როგორც ეკონომიკური კატეგორია, ეკონომიკური უსაფრთხოება თავისთავად, ეკონომიკური უსაფრთხოების ფუნქციონირების პირობებისა და ობიექტების განვითარების უზრუნველყოფასთან მიმართებაში, სუბიექტებს შორის ეკონომიკური ურთიერთობების სისტემას წარმოადგენს.

კომერციული ბანკის უსაფრთხოების უზრუნველყოფის ძირითად მიზნებს წარმოადგენს: საბანკო საქმიანობის სფეროში ფიზიკური და იურიდიული პირების ეკონომიკური უფლებების დაცვის უზრუნველყოფა; სტაბილური ფუნქციონირების, ბანკის უფლებებისა და ინფრასტრუქტურის შენარჩუნებისა და კვლავწარმოების, ბანკის მიერ დასახული მიზნების მიღწევის უზრუნველყოფა; საბანკო სისტემის ფინანსური, ეკონომიკური და ეროვნული უსაფრთხოების განმტკიცება.

კომერციული ბანკის ეკონომიკური უსაფრთხოების მხარდაჭერის უმნიშვნელოვანეს პირობას ბაზარზე მისი პოზიციების დაკარგვასთან დაკავშირებული საფრთხეების თავისდროული გამოვლენა წარმოადგენს. ეკონომიკური უსაფრთხოების კონცეფციების ფორმირება, რომელიც კომერციული ბანკების განვითარების მდგრადობის, ნეგატიური ტენდენციების გამოვლენის და განვითარების პერსპექტიული მიმართულებების დადგენის ოპერატიულად გაკონტროლების შესაძლებლობას იძლევა, საკრედიტო ორგანიზაციების ეკონომიკური უსაფრთხოების უზრუნველყოფის გადამწყვეტი პირობა ხდება.

საკრედიტო ორგანიზაციების ეკონომიკური უსაფრთხოების კონცეფციის ქვეშ გაგებულ უნდა იქნას საკრედიტო ორგანიზაციების მუშაობის პროცესში ფორმირებადი ინფორმაციული ნაკადების ერთობლიობა როგორც გარე, ასევე შიდა ბაზრებზე

ქვეყნის კონკურენტუნარიანობის ამაღლების მიზნით, რომლებიც ეკონომიკური უსაფრთხოების სტანდარტების შესაბამისი ეფექტური მართვის ფუნქციების შესრულებაზეა მიმართული.

ამასთან დაკავშირებით შეიძლება ითქვას, რომ საბანკო სისტემის ეკონომიკური უსაფრთხოება დამოკიდებულია რამდენიმე ფაქტორზე, როგორიცაა:

- საბანკო დაწესებულებებს შორის კონკურენციის დონე;
- საბანკო ზედამხედველობის ხარისხი;
- ეკონომიკური და პოლიტიკური სტაბილურობა;
- ქვეყნის საბანკო სისტემის დაფინანსების შიდა და გარე

წყაროებისაგან დამოკიდებულების დონე;

- ეროვნული ვალუტის სტაბილურობა და სხვა.

თანამედროვე კომერციული ბანკის ეკონომიკური უსაფრთხოების უზრუნველყოფის საფუძველს მისი ფინანსური სტაბილურობა წარმოადგენს, რომელიც ბანკის ფუნქციონირების მდგრადობის უზრუნველყოფაზე, მისი უფლებებისა და ინტერესების დაცვაზე, საწესდებო კაპიტალის ზრდაზე, აქტივების ლიკვიდობის ამაღლებაზე, ფინანსური და მატერიალური ფასეულობების შენარჩუნებაზე, ასევე კრედიტების დაბრუნებადობის უზრუნველყოფაზე მიმართული ინსტიტუციურ-მმართველობითი, ორგანიზაციულ-ტექნიკური და ინფორმაციული ხასიათის ქმედებების შედეგს წარმოადგენს.

ფინანსური სტაბილურობა - ბანკის მიერ საკუთარი ინტერესების შესაბამისობაში დამოუკიდებელი საფინანსო-ეკონომიკური საქმიანობის განხორციელების შესაძლებლობის ძირითადი პირობაა.

კომერციული ბანკები თავიანთ საქმიანობაში ინფორმაციის დიდი მოცულობის დამუშავებისა და გადაცემისათვის ინტენსიურად იყენებენ კომპიუტერულ ტექნოლოგიებს, ამასთან ბანკების კომპიუტერული სისტემები კორპორაციულ და გლობალურ კომპიუტერულ ქსელებშია ინტეგრირებული. ამიტომ, ამკარაა, რომ კომერციული ბანკის ეკონომიკური უსაფრთხოების უზრუნველყოფაში უმნიშვნელოვანეს საკითხს გარე ხასიათის საფრთხეების აღმოფხვრა წარმოადგენს და აღნიშნული განსა-

კუთრებით სისტემის ინფორმაციულ უსაფრთხოებას ეხება.

საბანკო საქმიანობის გარე და შიდა ხასიათის საფრთხეებისგან დაცვის უპირველესი პრობლემების რიცხვში შედის: ფინანსური რესურსებითა და ინფორმაციებით უწყვეტად უზრუნველყოფის მხარდაჭერა, კომერციული ბანკის ქონებისა და პერსონალის დაცვა, საბანკო სისტემის დაცვის საშუალებებისა და მექანიზმების შექმნა და ინფორმაციული საფრთხეების შემცირება.

ამრიგად, ბანკის ეკონომიკური უსაფრთხოება თავისთავად კომერციული ბანკის შიდა და გარე გარემოში სხვადასხვა სუბიექტების საქმიანობასთან დაკავშირებული ფაქტორებისა და ელემენტების ერთობლიობას წარმოადგენს, რომლებიც მუდმივ ურთიერთქმედებაში იმყოფებიან და ბანკის მდგრადობაზე თავიანთი საქმიანობის ფარგლებში ზემოქმედებენ.

გამოყენებული ლიტერატურა:

1. აბუთიძე გ. კომერციული ბანკების ფინანსური მდგრადობის უზრუნველყოფის ასპექტები. IV საერთაშორისო სამეცნიერო კონფერენცია „გლობალიზაცია და ბიზნესის თანამედროვე გამოწვევები“. საქართველოს ტექნიკური უნივერსიტეტი. თბილისი, 2020 წლის 26-27 ივნისი. კონფერენციის შრომების კრებული, I ნაწილი, გვ. 218-223.

2. მდგრადი დაფინანსების გზამკვლევი საქართველოსთვის. საქართველოს ეროვნული ბანკი. თბილისი, 2019.

3. <https://www.nbg.gov.ge/uploads/finstability/roadmap/Roadmap.PDF>

4. საქართველოს ორგანული კანონი „საქართველოს ეროვნული ბანკის შესახებ“. საქართველოს პარლამენტი. 2009 წლის 24 სექტემბერი. https://www.nbg.gov.ge/uploads/legalacts/update_kanonebi/2020/organuli_kanoni.pdf

5. Refinitiv Podcast, The role of banks in Sustainable Finance & Crisis Mitigation & addressing the fossil fuel challenge, October, 2020.

6. Xavier Vives. Competition and stability in modern banking: A

post-crisis perspective // International Journal of Industrial Organization. 2019.

7. Можанова И.И., Антонюк О.А. Финансовая устойчивость коммерческих банков и нефинансовых организаций: теоретические и практические аспекты // Финансы и кредит. 2014. N 4 (580). с. 36-42.

8. Сторожук И.Н. – Финансовая стабильность в системе обеспечения экономической безопасности коммерческого банка // Диссертация // Ростов-на-Дону, 2010.

9. Сушкова И.А. Анализ и оценка финансовой безопасности в условиях глобализации – Проблемы экономической безопасности: глобальные и региональные аспекты. монография. Челябинск: Издательский центр ЮурГУ, 2018.

REFERENCES:

1. Abutidze G. Aspects of Ensuring the Financial Sustainability of Commercial Banks. IV International Scientific Conference „Globalization and Current Challenges in Business“. Georgian Technical University, Faculty of Business Technologies. Tbilisi, Georgia. June 26-27, 2020. Conference proceedings, pp. 218-223. (in Georgian)

2. The Sustainable Finance Roadmap for Georgia. National Bank of Georgia. Tbilisi, 2019. <https://www.nbg.gov.ge/uploads/finstability/roadmap/Roadmap.PDF> (in Georgian)

3. Organic Law of Georgia on the National Bank of Georgia. The Parliament of Georgia. September 24, 2009.

4. https://www.nbg.gov.ge/uploads/legalacts/update_kanonebi/2020/organeli_kanoni.pdf (in Georgian)

5. Refinitiv Podcast, The role of banks in Sustainable Finance & Crisis Mitigation & addressing the fossil fuel challenge, October, 2020.

6. Xavier Vives. Competition and stability in modern banking: A post-crisis perspective // International Journal of Industrial Organization. 2019.

7. Mozhanova I.I., Antonyuk O.A. Financial stability of commer-

cial banks and non-financial organizations: theoretical and practical aspects // Finance and credit. 2014. No. 4 (580). pp. 36-42. (in Russian)

8. Storozhuk I.N. Financial stability in the system of ensuring the economic security of a commercial bank // Dissertation // Rostov-on-Don, 2010. (in Russian)

9. Sushkova I.A. Analysis and assessment of financial security in the context of globalization - Problems of economic security: global and regional aspects. Monograph. 2018. (in Russian)

STABILITY OF THE BANKING SYSTEM AS AN IMPORTANT FACTOR OF ECONOMIC SECURITY

Goga Gelitashvili, Doctoral Student ,
GTU, g.gelitashvili@gtu.ge ;

Ana Bokuchava, Doctoral Student,
GTU, bokuchava.ana@gtu.ge ;

Gocha Abutidze, PhD, Assistant Professor ,
GTU, g.abutidze@gtu.ge;

Medea Chelidze, PhD in Economics,
Professor ,GTU, m.chelidze@gtu.ge

RESUME

The purpose of the modern banking system of any country is to ensure the economic security of the country, the formation of a banking system that will be resilient to crisis. This is due to the fact that the modern development of the banking system is accompanied by an increase in external and internal threats and risks to which the activities of credit institutions are exposed.

When studying the issues of financial stability of the banking sys-

tem of Georgia, it should be noted that the National Bank of Georgia is a guarantor and a special entity for ensuring the stability of the banking sector of Georgia. The timely decisions and measures taken by them largely contribute to the stable functioning and sustainable development of the banking system of Georgia.

The formation of the concepts of economic security of credit institutions, which make it possible to ensure operational control over the sustainable development of commercial banks, to identify negative trends and determine promising areas of development, at the present stage is the most important condition for ensuring the economic security of credit institutions.

Keywords: Economic security, globalization, banking system sustainability, financial stability, threats.